



21. oktober 2020
Atassut

UKA 2020/72
Aqqalu C. Jerimiassen

Atuarfeqarneq ilinniartitaanerlu pillugit aqqissuusseqqinneq pillugu nassuiaammik Inatsisartut UPA2021-imi ataatsimiinissaanni saqqummiusseqqullugit Naalakkersuisut peqquneqarnissaannik Inatsisartut aalajangiihfigisassaatur siunnersuut.

(Inatsisartunut ilaasortaq Jens NapātôK', Partii Naleraq)

Ilinniarsimasunik nunarput amingaateqartuartoq taakkartorneqartuartarpoq, sulilu ilinniangaqassutsikkut qaffasinnerungaartumik inuiaqatigiittut inissisimanissarput suaarutigineqartuarluni oqartussanit.

Ilinniarniaritsi, ilinniarniaritsi! Suli oqaatsit ulloq manna tikillugu taakku atorpagut. Ilinniarniartortagulli meeqqat atuarfianiilli aallarereertinnangit meeqquerivimmiilernerinilli pitsaasumik qanoq pikkoriffeqareerneru takusinnaasariaqarpagut.

Eqqaamajuangassarpulli tassaajuassaaq, meeqqat inuusuttullu atuarnerminni ilinniarnerminnilu ingerlalluurtut tassaammata angajoqqaaminnik kaammattorluarneqarsimasut, angerlarsimaffimmi toqqissimasumi peroriartortuusut. Atassummiillu oqartarnitsituut, inuk qitiutillugu suliniarnitsinni ilaqutariinneq sukarsuarni pingaarnerajuassasoq oqariartuutigiuartarparput.

Meeqqat atuarfianni ilinniarfeqarfinnullu ingerlaqqinniarnermi ilaqutariit qanoq ingerlanersut sunalu meeqqap ingerlariaqqinngittooratarsinnaaneranut aallaviusinnaanersoq eqqanaaqqaagassaraarput, sumiginnaasarnikkut assigiinngitsunik aallaveqartumik unittuuginnannginnissaa inuttut tamatta akissusaaffigaarput, sumiginnaanermi tamatta akissaaffigaarput sumiikkaluaruttaluunniit uangaappat illiuppalluunniit, meeraq tamatta akisusaaffitsinniimmat.

Puigunngisaannaartigulu meerartatta inuusuttuarartattalu meeqqat atuarfiata naammassinissaanut Majoriap ingerlariaqqiiffigisassatut isitinnissaa minnerpaarpaaffianiitinniassallutigu, systemikkummi arlaatigut ajortoqalersimasoq ukiuni kingullerni malunnarmat, tassa meeqqat atuarfiat naammassereernerani Majoriamut ilaasa ingerlariaqqinnissartik takorluungarisalersimammassuk. Majoriap pilersinneqarneranut siunertaa taannaassimanngitsoq naluneqanngilaq, tassaaniartussaangaluarmammi inunnut sivisuumik unittooqqasimasunut piareersarfittut aallartinneqarsimasoq.

Atuartitaaneq ilinniartitaanerlu nunarsuarmioqataaleriartornitta aqqani Atassummiik ajorinngilluinnarparput naleqqussarneqartuarmat, uanili ikkarnartoqartillugu oqartoqassappat; taamaallaat immitsinnuunnaq aallaavingaluta naleqqussarneqassappat. Tassuunami nunarsuup sinneranut immitsinnut katataatikkiartulersinnaasugut ernumanarsinnaammat.

Taamaattoq siunnersuut arlaatigut ataatsimiitsitaliami qanoq isummersorfigineqarsinnaanera soqutiginaateqartillugu Atassummiik ataatsimiitsitaliamut innersuupparput.